


**Мамыт негізгі орта білім беретін мектебінің
«Жас Ұлан» ұйымы өткізген
«1 наурыз-Алғыс айту күні» мерекесіне орай өткізілген
іс-шара туралы анықтама**

Мамыт негізгі орта білім беретін мектебінің 1-7 сынып оқушылары «1 наурыз – Алғыс айту күні» мерекесіне атсалысты. Бастауыш сынып оқушылары түрлі-түсті кеспе қағаздармен өз алғыстарын білдіріп, бейнебаян түсірді. Орта буын 5-6 сынып оқушылары жүректеріндегі ақ тілектерін мағынасы терең сөз тіркестері арқылы жеткізсе, 7-сынып оқушылары патриоттық әндерден құрылған флешмоб арқылы өз тілектерін білдірді.


Мектеп тәлімгері:

Қ.Ә.Сламова



Мамыт негізгі орта білім беретін мектебінің «Ұрпақ саулығы – ұлт саулығы» атты түсіндірме жұмысы туралы анықтама

«Ұрпақ саулығы – ұлт саулығы» тақырыбында ата-аналарға түсіндірме жұмыстарын жүргізілді наурыз айында Адам – табиғаттың теңдесі жоқ, ең қадірлісі. Денсаулық – табиғаттың адамға сыйлаған аса зор байлығы. «Бірінші байлық денсаулық» демекші, - халық денсаулығы ел байлығы. Егеменді еліміздің Тәуелсіздік туының биікке самғауына, экономикалық, саяси, мәдени дамуына үлес қосатын, өркениетті елдің әрбір азаматы дені саусалауатты болуы. Ата-аналарға балаларын жаман әдеттерден бойын аулақ слауға оның дұрыс емес екенін түсіндіру керек екені айтылса, бала саулығы үшін спортпен айналысуға баулып жақсы үлгі көрсете білу керектігі айтылды.



Мамыт негізгі орта білім беретін мектебі бойынша «Оқуға құштар мектеп» жобасының жоспары негізінде «Барлық пәндер арқылы оқу» сабақ жүйесі туралы анықтама

9 наурыз күні сабақ кестесіндегі барлық пәндер бойынша пән мұғалімдері сабақ жоспарларындағы тақырыптарын ғұлама адамдардың қанатты сөздерімен байланыстырды. Соның ішінде 5 сыныпта қазақ тілі мен әдебиеті пәнінің мұғалімі Сламova Қаракөзайым «Сыртқы келбет және өмір салты» тақырыбында В.В.Радловтың «Қазақтар – әдет-ғұрып, салт-сана, тіл жағынан біртұтас ұлт» нақыл сөздерін кіріктіріп бастады.



9 сыныпта химия пәнінде Шаймолдина Гүлжайнар «Кремний және оның қосылыстары» тақырыбына «Бар ізгілік тек білімнен алынар, білімменен аспанға жол салынар» деген Жүсіп Баласағұнның ғибратты сөздерін ұтымды пайдаланды.

8 сыныпта алгебра пәнінің мұғалімі Тортаева Айгерім жоспарға сәйкес «Орта мәнді табу» тақырыбын «Адамның басшысы – ақыл, шолушысы – ой, жетекшісі – талап, қорғаушысы – сабыр, сынаушысы – халық, таусылмайтыны – арман, ең қымбаттысы – ар сақтау, бәрінен ардақтысы – өмір сүру, соның ішінде ең тәттісі - сыйласты» деген Төле бидің қанатты, нақыл сөздерін басшылыққа ала отырып сабақты жүйелі өткізді.



Мектеп кітапханашысы:

Қ.Ә.Сламova

8-наурыз халықаралық аналар мен нәзік жандылардың мерекесіне орай өткізілген мерекелік шараны туралы анықтама

Мамыт негізгі орта білім беретін мектебінде 8-наурыз халықаралық аналар мен нәзік жандылардың мерекесіне орай «Анасы бар адамдар ешқашан қартаймайды» атты іс шараны тарих пәнінің мұғалімі Ә.Ж.Муса мен қазақ тілі мен әдебиет пәнінің мұғалімі Қ.Ә.Сламованың ұйымдастыруымен өтті. Мерекелік шараның басы 9-сынып оқушысы Сәндібек Ділназдың «Аяулы ана» атты әсем әуенімен басталды. 5-9 сынып оқушыларының «Кешірші мен, Ана» атты танымдық көрінісі кеш барысына сән беріп, көрермен ұстаздар мен аналарға эмоция сыйлады. Биылғы түлектеріміз 9-сынып оқушыларының орындауында «Ұстазым» әні шырқалып, әуен аясында оқушылар дайындаған ашық хат пен тәттілер ұлағатты ұстаздар мен асыл аналарға табысталды. 5-6 сынып оқушылары ақиық ақындарымыздан өнеге болып қалған өлең-жырларын мәнерлеп оқыды. Көрермендерге көтеріңкі көңіл-күй сыйлау мақсатында қызық ойындар ойнатылып, пародиялық көрініс аналар қауымының көңілінен шықты. Концерттік бағдарлама соңы 5-9 сынып оқушыларының түгел атсалудымен «Ұстазым» атты хормен аяқталды.



«Өз құқығыңды білесіңбе?» атты сауалнама туралы анықтама

Наурыз айында 6-9 сынып оқушылар арасында «Өз құқығыңды білесіңбе?» атты сауалнама алынды. Сауалнаманың мақсаты: жасөспірім шақтағы балалардың Бала құқықтары туралы Конвенцияның негізгі ережелері туралы, өз құқықтары туралы білімін анықтау. Сауалнама анонимді түрде жүргізіледі. Сауалнама қортындысы бойынша білім алушылар «Өз құқығыңды білесің бе?» тақырыбында берілген сауалнама нәтижесінде құқық туралы білім деңгейі жақсы деңгейін көрсетті. Білім алушылар сауалнама толтыру барысында қиындықтар кездескен жоқ. Тәртібі талапқа сай болды.



**Мамыт негізгі орта білім беретін мектебі бойынша
«Оқуға құштар мектеп» жобасының жоспары негізінде
«Іштен оқуға, мағыналық оқуға, мәтінмен жұмыс істеуге уақыт бөлу»
туралы анықтама**

Наурыз айында қазақ тілі мен әдебиеті пәнінің мұғалімі Сламова Қаракөзайым 5-7-сынып оқушыларына пәндерді меңгерту барысында іштен оқуға, мағыналық оқуға, мәтінмен жұмыс істеуге уақыт бөлді.

Сабақ барысында оқылыммен сәйкес келген мәтіндермен жұмыс істеп, оқу дағдысын арттыруға оқушылар өз үлестерін қосты. Айтылым, тыңдалым, оқылым дағдыларымен қатар әдебиеттік нормаға сәйкес тапсырмалараға білім алушылар белсене араласып, бір-бірімен пікір алмасты.

Мектеп кітапханашысы:

Қ.Ә.Сламова



Мамыт негізгі орта білім беретін мектебінің

«Жас Ұлан» ұйымы өткізген
«Ұлыстың ұлы күні» атты мерекелік шараның
10 күндігі туралы
анықтама

Мамыт негізгі орта білім беретін мектебінде Наурыз мерекесіне орай өткізілген 10 күндіктің басы ұйымдастырушы А.Тортаеваның 14 наурыз – «Көрісу күні» мейрамын насихаттауымен басталды. Ауылдың ақ жаулықты әжелерінің төс қағыстыра көрісуімен өрбіген мерекелік кеш ақ тілек пен шашумен жалғасты. Ұмыт бола бастаған ырым-жоралғыларға түсінік беріп, «Аластау» ырымынан үлгі көрсетіп, оқушылар танымын молайтты. Ақ дәммен көмкерілген - ақ дастархан басына жиналған әжелердің ақ батасы мен оқушылардың әсем әуендері көрісу күнінің сәнін келтірді.

15 наурыз - «Бата беру күні» сана-сеніміздегі, дін мен дәстүріміздегі асыл ұғым болып, өз құндылығын жоймаған күн. «Жаңбырмен – жер көгерер, Батамен – ел көгерер» деп ата-бабаларымыздан қалған сөз Қыдыр Баба мен асыл әжелердің ақ тілектерінің тоғысы батамен дарыды. Мектеп оқушылары әсем әуенмен, тапқыр көріністермен мерекелік қуаныш сыйлады.

16 наурыз «Жайлау күні» мен 17 наурыз «Сарқыт күндері» бастауыш сынып оқушылары кемеліне жеткізе тойлады. Әнмен өрбітіп, бимен көпшіл қауымға жайраңдап көктемнің келе жатқанын сездіргендей болды. Самарқанның көк тасы жібіп, төрт түлік жайлауға бет алатын бұл сәтті көрнекті көріністерімен, әзіл-шыны аралас қағытпа қойылымдарымен ұтымды таныстырды.

18 наурыз – «Игі істер күні» қайырымдылық күні орта буын мектеп оқушылары ауыл тұрғындары мен мектеп маңайының қарын тазалап, көмек қолын созды.

19 наурыз – «Ұлттық спорт күні» дене шынықтыру пәндерінің мұғалімі А.Бахитовтың ұйымдастыруымен 5-9 сынып ер балаларының арасында сайыс өтті. «Қол күрес» сайысында 1-орынды Оразалы Жолдас, 2-орынды Темірбекұлы Темірлан, 3-орынды Сәндібек Бекарыс иеленді. Алдын-ала жұптасып қатысқан «Арқан тартыс» ойынында 1-орынды Оразалы Жолдас пен Темірбекұлы Темірлан алса, 2-орынды Бейбіт Құмар мен 3-сынып оқушылары, 3-орынды Бөтеген Олжас пен Сәндібек Бекарыс қанжығалап, жүлделі орынды иеленген оқушыларға ақшалай сыйақы табысталды.

20 наурыз – «Шаттық күні» С.Оразабаеваның ұйымдастыруымен ұлттық ойын түрлерін оқушылар естеріне түсіріп, дәріптеді. Бұрымды қыздар қос етек көйлек, көздің жауын алатын сырға тағып, жасанып шықса, ер балалар қауымы ұлттық оюмен ойылған сәнді шапан, бозбаланың көркі қазақи бөрікпен шығып «Сақина», «Теңге алу», «Бүркіт», «Асық» сынды ұлттық ойындарға белсене атсалысты.

21-наурыз – «Шеберлер күні» қолөнер бұйымдарының жәрмеңкесі көркем еңбек пәнінің мұғалімі Л.Сарсенбаеваның ұйымдастыруымен өтті. Он қолынын бал тамған, шебер қыздарымыз: 5-сынып оқушысы Оразбаева

Нұрай кестемен көмкеріп, 8-сынып оқушысы Сәндібек Диана кілемше тоқып, 9-сынып оқушысы Сәндібек Ділназ құрақ көрпе тігіп ақ жаулықты әжелерімізге өз өнерлерін көрсетті.

22 наурыз – «Ұлыстың ұлы күні» Г.Шаймолдинаның бастауымен мерекелік концерт өтті. Мерекелік концерт басы табиғаттың тылсым тіршілігі бейнеленген бейнебаянмен үндескен жүргізушілердің ашуымен басталды. Бүгінгі күні өткен күнге салауат айтып, келер күннен береке тілеп, жақсы достық көңілмен жылы лебізімізді мектеп директоры Л.Б.Балмаканованың құттықтау сөзімен басталды. Ұлы күнде тілеу айту достық көңілмен адамгершіліктің белгісі, әрі тойдың жарасты салтының бірі, Несібелді әженің ата-аналар қауымы атынан ақ тілегі 9-сынып оқушысы Сәндібек Ділназдың «Тойбастар әлеумет» әнімен жалғасын тапты. 8-сынып оқушысы мың бұралған бишіміз – Сәндібек Диана өршіл рухты - «Жұмырқылыш» биімен көпшіліктің көңілін бір сергітті. Баяу әуенмен, сезімге толы – «Шақырады көктем» әнін 8-сынып оқушысы Оразалы Жолдас шырқады. Наурыз мерекесінің сәні Алдар көсе мен Шықбермес Шығайбайдың көрінісінен үзінді қойылы, 4-сынып оқушыларының «қазақ биі» көрермендерді өздеріне тәнті етті. 7-9 сынып білім алушыларының «Қазақтың дәстүрлері – ай» мерекелік әнімен көтеріңкі көңіл-күй сыйлады. 5-6 сынып оқушыларының орындауында «Наурыз-мереке» әнімен, тойдың сәні «Қара жорға» биіде мерекелік концертте кенде қалмады. Мерейлі мерекеміздің қарсаңында әзілмен көмкерілген пародиялық көрініс көптің жүрегін жаулады. «Беу, наурыз» әні шырайлана сән беріп, наурыздың ақ батасын Ұрзада әжеміз қайырды. Мерекелік концерт «Атамекен» хорымен өз мәресіне жетті.

Мектеп тәлімгері:



Қ.Ә.Сламова





a

**«Оқуға құштар мектеп» жобасы негізінде
«20 минут, 5 минут дауыстап оқуға уақыт бөлу» туралы
анықтама**

Наурыз айында 5-6 сынып оқушылары қазақ тілі мен әдебиет пәнінде, қоңырау кезеңдерін тиімді пайдаланып, 20 минут, 5 минут дауыстап оқып, осыған дейінгі білген шығармалары туралы айтып, талқылады. Шығармаларды оқу барысында білім алушылар оқыған туындылары, кейіпкер образдары туралы кең көлемде бөлісіп, бір-бірімен пікір алмасты. Электрондық нұсқада оқуға болатын сайттар тізбесі туралы ақпарат алмасып, уақыттарын оқуға тиімді жұмсады.

Мектеп кітапханашысы:

Қ.Ә.Сламова



**Мамыт негізгі орта білім беретін мектебі бойынша
«Оқуға құштар мектеп» жобасы негізінде**

«Біз бір-бірімізге оқимыз!» туралы анықтама

Мамыт негізгі орта білім беретін мектебінде III тоқсанда «Біз бір-бірімізге оқимыз!» атты жоспарға сәйкес жұмысқа қоңырау сәттерін, сабақтан тыс бос уақыттарын тиімді пайдаланып 3 сынып оқушылары мен 8 сынып оқушылары өз үлестерін қосты. Мектеп бұрыштарындағы бастауыш сыныпқа таныс емес кітаптар туралы тың мәліметтерді, мол мағұлматтарды орта буын оқушылары түсіндірді.

Мектеп кітапханашысы:

Қ.Ә.Сламова



InCollage